

本草經解要

本草經解要卷四

古吳葉桂天士集註

河東楊緝祖遠齋閱定

同里門人王從龍校刊

金石部

鐵衣氣平。味辛甘。無毒。主風熱惡瘡。瘍疽瘡。疥疥氣。  
在皮膚中。醋炒研

鐵衣氣平。稟天秋降之金氣。入手太陰肺經。味辛

本草經解要卷四

鐵示

甘無毒得地金土之味入足陽明燥金胃土氣味降多于升性重色黑陰也肝爲風木風熱瘡疽疥疥肝火症也氣平可以平肝味甘可以緩熱所以主之也皮膚者肺之合也氣在皮中氣不斂也其主之者氣平可以斂氣也素問用鐵落治狂狂者肝木之症故取金氣以制之也

制方

鐵衣同白芍甘草丹皮杞子牛蒡茯神木瓜遠志

治狂症。同白芍北味炮薑杞子肉桂甘草治小兒驚風。

硃砂氣微寒味甘無毒主身體丑藏百病養精神安魂魄益氣明目殺精魅邪惡鬼久服通神明不老水飛

丹砂氣微寒稟天初冬寒水之氣入足少陰腎經味甘無毒得地中正之土味入足太陰脾經色赤而生水銀入手少陰心經蓋心乃火藏而藏陰者也氣味降多于升質重味薄陰也心腎者人身之

水火也。天地之用在於水火。水火安則人身天地  
位矣。丹砂色赤質重可以鎮心。火氣寒可以益腎。  
水。水升火降。心腎相交。身體五臟之病皆愈也。心  
者生之本。神之居也。腎者氣之源。精之處也。心腎  
交則精神交相養矣。隨神往來者謂之魂。並精出  
入者謂之魄。精神交養則魂魄自安。味甘益脾胃。  
爲後天氣者得于天。充于穀。後天納穀所以益氣。  
心病多舍于肝。心火不炎則肝血上奉。故又明目。

也。色赤。具南方陽明之色。陽明能辟陰幽。所以殺精魅邪惡鬼也。久服通神明不老者。心之所藏者。神明久服丹砂。則心火清。火清則血充。故虛靈不昧。光彩華面也。

### 制方

丹砂一兩。同人參。茯神。甘草各二錢。山藥。馬豆各四錢。青黛。僵蠶各一錢。水片一分。丸名安神丸。治小兒驚症。同生地。當歸。白茯苓。甘草。川連。名硃砂。

安神丸安神清熱

芒消氣寒味苦無毒。王五藏積熱胃脹閉滌去蓄結飲食推陳致新除邪氣鍊之如膏久服輕身。

芒消氣寒稟天冬寒之水氣入手太陽寒水小腸經味苦無毒得地南方之火味入手少陽相火之焦經氣味俱降陰也。其王五藏積熱胃脹閉者五藏本為藏陰之經陰枯則燥而火就之則熱積于藏而陽偏盛矣。陽者胃脘之陽陽偏盛故胃脹而

閉塞也。其王之者芒消入三焦。苦寒下洩水穀之  
道路通而脹者平矣。小腸爲受盛之官。化物出焉  
之府。小腸燥熱則物受而不化。飲食蓄結于腸矣。  
芒消入太陽。苦寒下洩。鹹以稟堅則陳者下而新  
者可進也。除邪氣者。苦寒洩燥熱之邪氣也。鍊之  
如膏久服。輕身者。指三焦小腸有實積者言也。蓋  
積去身自輕也。

制方



芒消同。大黃枳實厚朴名承氣湯。治胃實積聚。

滑石氣寒味甘無毒。主身熱洩瀉。女子乳難。癢閉。利小便。蕩胃中積聚寒熱。益精氣。久服輕身耐饑。長年

水研  
飛

滑石氣寒。稟天冬寒之水氣。入足太陽寒水膀胱經。手太陽寒水小腸經。味甘無毒。得地中正之土味。入足太陰脾經。氣味降多。于升陰也。其主身熱。腸澀者。蓋太陽行身之表。為諸經主氣者也。暑傷

太陽則氣化失職。水穀不分。身熱洩利。腸辟矣。滑石甘以益氣。寒以清暑。所以主之也。其主女子乳難者。乳汁不通也。甘寒有益脾土。脾濕行則脾血化乳也。膀胱熱則癰閉。甘寒滑滲。故主癰閉而利小便也。脾者爲胃行津液者也。脾濕則困。不行胃中津液。渣穢則積聚于胃而寒熱生焉。滑石入膀胱利小便。則濕去脾健。而胃中積聚皆行矣。益精氣者。滑石入小腸。則心火有去路。火不刑金。肺金



石膏氣微寒。稟天初冬寒水之氣。入足太陽寒水  
膀胱經。味辛無毒。得地西方煤金之味。入手太陰  
肺經。足陽明燥金胃。手陽明燥金大腸經。氣味降  
多于升陰也。中風者傷寒五種之一也。風爲陽邪。  
中風病寒熱而心下逆氣驚喘。則已傳陽明矣。陽  
明胃在心之下。胃氣本下行。風邪挾之上逆。乘肺  
則喘聞木聲。則驚陽明火燥津液。致口乾舌焦。不  
能呼吸。故用石膏辛寒之味。以瀉陽明實火也。腹

中大腸經行之地。大腸爲燥。金燥則堅痛矣。其主  
之者。辛寒可以清大腸之燥火也。陽明邪實則妄  
言妄見。如有神靈者。邪鬼附之。石膏辛寒清胃  
火退而邪妄除。故云除邪鬼也。產乳者。產後乳不  
通也。陽明之脈從缺盆下乳。辛寒能潤陽明。潤則  
乳通也。金瘡熱則皮腐。石膏氣寒。故外摻合金瘡  
也。

制方

石膏同川連甘草治發狂同知母甘草粳米卷

白虎湯治陽明中風熱病同知母麥冬甘草竹

葉名竹葉石膏湯治陽明邪熱同防風荆芥細

辛白芷末擦胃火牙疼同銀硃末治金瘡不合

慈石氣寒味辛無毒主周痺風濕肢節中痛不可持

物洗洗酸消除大熱煩滿及耳聾

醋煨餅

慈石氣寒稟天冬寒之水氣入足少陰腎經味辛

無毒得地西方之金味入手太陰肺經氣味降多

于升陰也。其主周痹風濕肢節中痛不可持物洗  
洗酸者。蓋濕流關節痛而不可持物。濕勝筋爽也。  
濕而兼風。風屬木。木曰曲直。曲直作酸。洗洗酸痛。  
所以爲風濕周痹也。慈石味辛入肺。金能平木。可  
以治風。肺司水道。可以行濕也。腎水藏也。水不制  
火。濁氣上逆。則大熱煩滿。慈石入腎氣寒。壯水質。  
重降濁。所以主之。腎開竅于耳。腎火上升。則聾。慈  
石氣寒。可以鎮火。所以主耳聾也。

制方

葱石 同生地 白芍 五味 小茴 歸身 山藥 治腸症

同生地 肉桂 炮薑 五味 治龍雷火逆 同麥冬 五

味牛膝 白芍 知母 歸身 蘇梗 治大熱煩滿及耳聾

代赭石 氣寒 味苦 無毒 主鬼疰 賊風 蠱毒 殺精物 惡

鬼 傷中 毒 邪 氣 女子 赤沃 漏下

火煨  
醋拌

代赭石 氣寒 稟天冬 寒之木 氣入足 少陰腎經 味

苦 無毒 得地 南方之火 味入手少陰心經 氣味俱



降陰也。天地者陰陽之體。水火者陰陽之用也。腎  
爲坎水。代赭氣寒。益腎則腎水中一陽上升。心爲  
離火。代赭味苦。益心則心火中一陰下降。水升火  
降。陰陽互藏其宅。而天地位矣。故鬼疰邪氣精魅  
惡鬼賊風毒邪不能相干。卽或有邪。亦必祛逐也。  
寒可清熱。苦可洩邪。所以又主蠱毒及腹中邪毒  
也。腎主二便。心主血。血熱則赤沃。瀉下。苦寒清心。  
心腎相交。所以主女子赤沃瀉下也。

制方

代赭石同旋覆花人參半夏生薑大棗甘草石旋  
覆代赭湯治傷寒汗吐下後心下痞鞭噫氣不除  
細研真金湯下治小兒驚症。

紫石英氣溫味甘無毒主心腹欬逆邪氣補不足女  
子風寒在子宮絕孕十年無子久服溫中輕身延年

火煨  
醋淬

紫石英氣溫稟天春和之木氣入足厥陰肝經味

甘無毒得地中正之土味入足太陰脾經氣味俱  
升陽也心腹者足太陰經行之地脾虛不能生肺  
肺失下降之令則邪氣上逆而欬矣紫石英味甘  
質重益脾土而降氣逆所以主欬也補不足者氣  
溫補肝氣之不足味甘補脾陰之不足也厥陰之  
脈結于陰器則子宮亦屬肝經肝爲兩陰交盡之  
經風木之府風寒在子宮則肝血不藏脾血亦不  
統不能生育而孕矣脾土之成數十所以十年無

子也。紫石英氣溫，可以散子宮之風寒。味甘，可以益肝脾之血也。中者，中州脾土也。久服甘溫益脾，所以溫中。肝木條達，脾土健運，所以身輕延年也。

制方

紫石英、同白薇、艾葉、白膠、歸身、山萸、川芎、香附、治女子絕孕無子。同龍齒、牡蠣、甘草、北味、炮薑、治小兒驚症。

赤石脂 氣大溫 味甘酸辛 無毒 主養心氣 明目 益精

療腹痛。腸澼下痢赤白。小便利。及癰疽瘡痔。女人崩  
中漏下。產難胞衣不出。久服補髓好顏色。益智不饑

輕身延年。

火煨

赤石脂氣大溫。稟天春夏木火之氣。入足厥陰肝  
經。手厥陰心包絡經。味甘酸辛無毒。得地中東西  
上木金之味。入足陽明燥金胃土。手陽明燥金大  
腸氣味升多于降。陽也。心包絡者臣使之官。喜乘  
出焉。狀心君行事之府也。石脂氣味酸溫。則條暢

心包絡而心君之氣得所養矣。肝開竅于目。辛溫  
疎達。則肝和而目明。精者五藏陰氣之華也。甘酸  
之味可以益陰。所以益精而補髓也。腹者太陰經  
行之地。太陰爲濕土。土濕而寒則痛。右脂氣溫溫  
能行寒去濕。所以主之也。胃與大腸爲陽明燥金。  
陽虛不燥則腸澼下利。右脂溫辛收澼。故主下利  
及小便利。蓋澼可以固脫也。諸痛痒瘡瘍皆屬心  
火。火有虛實。實火可瀉。虛火可補。心包絡代君行

事其氣味酸溫可補心包絡之次也肝藏血肝血不藏則崩中漏下產難胞衣不出矣味甘酸可以藏肝血氣溫可以達肝氣所以主之也久服補益陽明陽明經行于面所以好顏色腎爲慳藏而藏智酸收益陰所以益智陽明胃氣充益所以不饑而延年也

制方

赤石脂同炮薑梗米各桃花湯治崩下膿血專

爲末酒服治痰飲。同炮薑蒸餅丸名堯花丸治  
痢下白凍。

穀菜部

粳米氣平味甘苦無毒。主益氣止煩止洩。

粳米氣平稟天秋成之金氣入手太陰肺經味甘  
苦無毒得地中南火土之味入足太陰脾經手少  
陰心經氣味降多于升陰也。肺主氣氣平益肺所  
以益氣脾爲陰氣之原脾陰充足則五臟血脈精



髓周身皮肉筋骨皆因之強健。白無心煩下洩之事矣。所以止煩止洩也。

制方

白米五合雞屎一升同炒焦爲末水一升頓服治食生米成瘕炒焦入藥開胃下氣

小麥氣微寒味甘無毒主除客熱止煩渴咽燥利小便養用氣止漏血唾血令女人易孕

小麥氣微寒入冬寒之水氣入足少陰腎經味

甘無毒得地中正之土味入足太陰脾經氣味降  
多于升陰也客熱外熱也小麥味甘而潤潤則陰  
生故除客熱少陰之絡絡咽水不制火則煩渴咽  
乾小麥氣寒則壯水清火故止煩燥腎與膀胱爲  
表裏氣寒益腎則膀胱熱退而小便利矣腎水是  
則生肝木沐滋則氣平所以養肝氣也脾統血血  
熱則妄行下漏上吐矣味甘益脾氣寒清熱所以  
止唾漏也甘潤益血女人以血爲主血足所以易

孕也。

制方

小麥同通草治五淋腹滿 同甘草大麥治女人  
藏燥悲啼。

馬料豆氣平味甘無毒生研塗癰腫煮汁殺鬼毒止  
痛久服令人身重。

馬豆氣平稟天秋成潤澤之金氣入手太陰膀胱  
味甘無毒得地中正之上味入足太陰脾經氣味

降多于升陰也甘平潤燥清熱故生塗癰腫煮汁  
殺鬼毒止痛也久服則脾土滋潤故令人身重也  
蓋上濕則重也

制方

馬豆同甘草解百毒 同首烏蒸服黑髮烏鬚

同歸身蒸服治血枯 同赤豆葉豆名三豆湯治  
痘血熱症

綠豆氣寒味甘無毒主丹毒煩熱風疹藥石發動熱

氣奔豚生研絞汁服亦煮食消腫下氣壓熱解石用  
之勿去皮合人小瘰

綠豆氣寒稟天冬寒之水氣入足少陰腎經氣味甘  
無毒得地中正之土味入足太陰脾經氣味降多  
于升陰也丹毒煩熱風疹皆屬心火綠豆入腎氣  
寒足以清心火味甘可以解熱毒所以主之也丹  
石之藥性熱多服則熱毒發動其主之者甘寒能  
解熱毒也奔豚者心病也心受火邪而藏之于肝

肝受之而藏之腎腎氣上突如豚奔衝也其主之者寒可清火甘可緩突也熱勝則腫氣寒清熱所以消腫火性炎上氣熱則炎上氣寒清熱所以下氣氣寒所以壓熱味甘所以解石毒也皮性寒故用之不可去皮去皮令人小壅者甘故也

制方

綠豆同赤豆黑豆醋調敷痘癰 同大黃薄荷塗丹毒

菡苳氣微溫味甘無毒主和中下氣

菡苳氣微溫稟天春初少陽之氣入足少陽膽經  
手少陽三焦經味甘無毒得地中正之土味入足  
太陰脾經氣味俱升陽也中者脾胃也菡苳氣溫  
入膽膽氣生發則脾胃之氣宣通所以曰和中也  
味甘入脾脾健則氣下行所以下氣也

制方

菡苳同人參白朮白茯苓甘草山藥苡仁蓮肉桔梗

砂仁末名參苓白朮散治脾濕洩瀉及小兒脾虛症。同麥冬五味川連乾葛解酒毒。

脂麻仁氣平味甘無毒主傷中虛羸補五內益氣力長肌肉填髓腦久服輕身不老色黑者良。酒蒸晒

脂麻氣平稟天秋涼之金氣入手太陰肺經味甘無毒得地中正之土味入足太陰脾經入穀之仁兼入手少陰心經氣味升多于降陽也陰者中之守也傷中者陰血傷也肺爲津液化源脾統血心



主血脂麻入脾肺心甘平益血所以主傷中也脾  
主肌肉脾燥則虛瘦味甘潤脾故主虛羸內爲陰  
外爲陽五內五藏之內藏陰之所也脂麻滋潤故  
補五內陰虛則餒五藏既補氣力自充脾主肌肉  
味甘潤脾肌肉自長髓與腦皆陰氣所化也甘平  
益陰陰長髓腦自填久服味甘益脾脾血潤故不  
老氣平益肺脾氣充故身輕也

制方

麻仁同甘菊天冬黃栢生地首烏栢仁桑皮牛膝  
杞子麥冬丸治半身不遂 同芽朮丸治脾胃濕

穀芽氣溫味苦無毒主寒中下氣除熱

穀芽氣溫稟天春生之木氣入足厥陰肝經味苦  
無毒得地南方之火味入手少陰心經氣味升多  
于降陽也中者脾胃也穀食入土溫能散寒故主  
寒中味苦下洩所以下氣除熱也

制方

穀芽同炙草砂仁白朮九名穀神丸啓脾進食

同山藥白朮白芍白朮陳皮治脾虛不食

豆豉氣寒味苦無毒主傷寒頭痛寒熱瘴氣惡毒煩躁滿悶虛勞喘吸兩脚疼冷

豆豉氣寒稟天冬寒之水氣入足太陽寒水膀胱經手太陽寒水小腸經味苦無毒得地南方之火味入手少陰心經手少陽相火三焦經氣味俱降陰也傷寒有五風寒濕熱溫當其初傷太陽也太

陽經行于頭而本寒標熱故必頭痛寒熱豆豉氣  
寒能清味苦能洩所以主之也。瘴氣惡毒致煩躁  
滿悶熱毒鬱于胸中非宣劑無以除之故用豆豉  
苦寒所以湧之也。虛勞喘吸火乘肺也。兩腳疼冷  
火上而不降也。豆豉苦寒足以清火清上則火自  
降所以皆主之也。

制方

豆豉同葱白治傷寒初起 同薤白治血利

紅麴氣溫味甘無毒主消食活血健脾燥胃治赤白痢下水穀

紅麴氣溫稟天春和之木氣入足厥陰肝經味甘無毒得地中正之土味入足太陰脾經氣味俱升陽也主消食者飲食入胃散精于肝肝散之然後脾消之紅麴入脾肝氣溫達肝肝疎暢則脾亦健運也肝藏血脾統血血溫則活也人之水穀入胃中焦濕熱薰蒸游溢精氣日化爲經是爲營血紅

麴以白飯蒸，捲成紅色，與蒼血有同氣相求之理。能生血而健脾，脾健則爲胃行其津液而胃燥矣。治赤白痢者，以有活血消食之功也。下水穀者，氣溫達肝，味甘益脾之力也。

制方

紅麴同白朮、甘草治吐逆。同滑石、甘草末治暑痢。

神麴氣溫，味辛甘，無毒。主化水穀宿食，癥結積聚，健

脾煖胃

炒黃

神麴氣溫稟天春升之木氣入足厥陰肝經味辛甘無毒得地中西土金之味入足陽明燥金胃土氣味俱升陽也飲食入胃散精于肝肝不散精則水穀宿積矣積之既久則有形可徵者結于內神曲氣溫散肝肝氣疎散則宿者銷而積者化也肝氣既疎暢則脾土自健陽者胃腕之陽辛溫益陽所以又煖胃也

制方

神麴同茅朮丸健脾燥濕 專炒研末酒服二錢  
能回乳

醋氣溫味酸無毒主消癰腫散水氣殺邪毒

醋氣溫稟天春和之木氣入足少陽膽經味酸無  
毒得地東方之木味入足厥陰肝經氣味降多于  
升陰也肝藏血少陽爲相火火逆血壅則生癰腫  
味酸收斂氣溫行血故外敷消癰腫也水畏土剋



味酸飲木木斂土伸所以散水氣也邪毒多屬發  
物味酸收斂所以殺邪毒也

制方

醋同半夏雞蛋黃治少陰病咽中生瘡 同黃耆

白芍桂枝治黃汗 火炭沃醋治產婦昏暈

酒氣大熱味苦辛甘有毒主行藥勢殺百邪惡毒氣  
酒氣大熱稟天純陽之氣入手少陽相火三焦經  
味苦辛甘有毒得地火金土之味燥烈之性入足

陽明燥金胃土手陽明燥金大腸經氣味升多于降陽也純陽之性走而不守故行藥勢氣熱助陽味辛甘則發散所以殺百邪惡毒氣也。

制方

酒浸淫羊藿治腰痛。浸牡荊子治耳聾。

飴糖氣大溫味甘無毒主補虛乏止渴去血。

飴糖氣大溫稟天春和之木氣入足厥陰肝經味甘無毒得地中正之土味入足太陰脾經氣味俱

升陽也。肝者生生之藏。生氣生血之經也。脾者後天之本。萬物之母也。飴糖氣溫。達肝。肝氣升。則陽氣充。味甘益脾。脾血潤。則陰氣盛。所以主虛乏也。味甘益脾。脾陰足。則渴止。氣溫溫肝。肝藏血。血溫則瘀者行。所以去血也。

制方

節同白芍甘草桂枝生薑大棗名建中湯治肝脾血不足 同川椒炮薑人參名大建中湯治腹痛

不可觸

乾薑氣溫味辛無毒主胸滿欬逆上氣溫中止血出汗逐風濕痹腸澼下痢生者尤良 炮

乾薑氣溫稟天春升之木氣入足厥陰肝經味辛無毒得地西方之金味入于太陰肺經炮灰色黑入足少陰腎經氣味俱升陽也胸中者肺之分也肺寒則金失下降之性氣壅於胸而滿也滿則氣上所以欬逆上氣之症生焉其主之者辛散溫行

也中者脾與胃也脾胃爲土土賴火生刺薑入腎  
助火火在下謂之少火少火生氣氣充則中自溫  
也血隨氣行氣逆火動則血上溢炮薑入腎腎溫  
則浮逆之火氣皆下火平氣降其血自止矣出汗  
者辛溫能發散也逐風濕痹者辛溫能散風濕而  
通血閉也腸澼下痢大腸之症蓋大腸寒則下痢  
腥穢肺與大腸爲表裏辛溫溫肺故大腸亦溫而  
下痢止也生者其性尤烈所以尤良

制方

炮薑同北味斂火下行。同人參溫中益氣。同

生地白芍牛膝歸身治產後發熱。同人參陳皮

治胃虛嘔逆。同陳皮白朮貝母白茯苓治痰瘧。

同人參白朮桂枝陳皮治寒瘧。同人參白朮甘

草各理中湯治虛寒洩瀉。

生薑氣微溫味辛無毒久服去臭氣通神明。

生薑氣微溫稟天初春之木氣入足少陽膽經足

厥陰肝經味辛無毒得地西方之金味入手太陰  
肺經氣味俱升陽也臭氣陰濁之氣也久服辛溫  
益陽陽能去陰所以去臭氣也神者陽之靈也明  
者陽之光也辛溫爲陽久服陽勝所以通神明也

制方

生薑取自然汁晒粉同甘草半夏陳皮白茯苓末  
治中焦濕鬱之痰

荊芥氣溫味辛無毒主寒熱鼠瘻癰癰生瘡破積聚

氣下瘀血除濕疸。

荊芥氣溫稟天春升之木氣入足少陽膽經足厥陰肝經味辛無毒得地西方之金味入手太陰肺經氣味俱升陽也少陽膽經行半表半裏邪客之則往來寒熱荊芥辛溫和解少陽所以主之鼠瘻癰癤生瘡皆少陽火鬱之症荊芥辛以達風木之氣溫以發相火之鬱鬱火散而風寧諸症平矣飲食入胃散精於肝肝不散精氣聚而積聚成矣荊



芥入肝溫能行氣所以主之。肝藏血血隨氣行肝氣滯則血亦滯而瘀焉。溫可行氣辛可破血故下瘀血也。肺者通調水道之官也。水道不通則濕熱成疽。荆芥辛能潤肺。肺治則水道通所以除濕疽也。

制方

荆芥同童便治產後衄血。同槐花治大便下血。

同生地治疥瘡。荆芥穗末酒服二錢治中風。

口噤兼治產後風噤迷悶。

薄荷氣溫味辛無毒。主賊風傷寒發汗惡氣心腹脹滿霍亂宿食不消下氣。煑汁服亦堪生食。

薄荷氣溫。稟天春升之木氣入足厥陰肝經。味辛無毒得地西方之金味入手太陰肺經。氣味俱升陽也。傷寒有五。中風傷寒濕溫熱病溫病是也。賊風傷寒者中風也。風傷於衛所以宜辛溫之味以發汗也。惡氣心腹脹滿蓋脹之惡氣必從肝而來。

薄荷入肝溫能行辛能散則惡氣消而脹滿平也  
太陰不治則揮霍擾亂薄荷辛潤肺肺氣調而霍  
亂愈矣飲食入胃散精於肝肝不散精則食不消  
薄荷入肝辛散宿食自消也肺主氣薄荷味辛潤  
肺肺潤則行下降之令所以又能下氣也以氣味  
芳香故堪生食也

制方

薄荷同漆葉苦參何首烏麻仁荆芥生地蒺藜蒼

亦百蒲治大麻風。專爲末蜜丸。治風熱上壅。

香薷氣微溫味辛。無毒。主霍亂腹痛吐下。散水腫。

香薷氣微溫。稟天初春之木氣。入足少陽膽經。味辛。無毒。得地西方燥金之味。入手太陰肺經。手陽明大腸經。氣味俱升。陽也。夏月濕熱之氣鬱於太陰陽明。則揮霍擾亂。而腹痛吐瀉矣。其主之者。溫能行氣。辛可解濕熱也。肺者相傳之官。主通調水道。下輸膀胱。香薷味辛。潤肺。所以主散水腫也。

制方

香薷同人參白朮木瓜白茯苓白芍陳皮車前治水腫  
同白朮丸治水腫以小便利爲效

紫蘇氣溫味辛無毒主下氣除寒中其子尤良

紫蘇氣溫稟天春和之木氣入足厥陰肝經味辛無毒得地西方之金味入手太陰肺經氣味俱升陽也肺主氣而屬金金寒則不能行下降之令紫蘇辛溫溫肺肺溫則下降所以下氣脾爲中州太

陰經也。肺亦太陰。肺溫則脾寒亦除。故除寒中也。其子尤良。下降之性辛溫。氣味尤甚也。其梗本乎地者。親下下氣尤速。

制方

紫蘇同陳皮治感寒上氣。同人參治虛欬上氣。蘇子同良薑廣皮丸治風濕脚氣。同粳米治上氣欬逆。

葱白氣平味辛無毒。作湯治傷寒寒熱中風面目浮。

腫能出汗。

葱白氣平稟天秋涼之金氣入手太陰肺經味辛無毒得地西方燥金之味入足陽明燥金胃經氣味升多于降陽也太陽寒水經爲人身外藩者也寒水虛則外邪傷病名傷寒傷寒有五風寒濕熱溫也當初傷太陽太陽爲病必發寒熱故可從表散之葱白人肺肺合皮毛味辛可散所以主傷寒寒熱表邪也風爲陽邪陽邪傷上風勝則浮腫辛

平可以散風所以主之氣平入肺肺合皮毛味辛發散則胃氣充而穀精化汗故能出汗也。

制方

葱白同生薑治傷寒頭痛。同人參治脫陽危症。炒熨小腹治小便閉脹。搗敷金瘡出血。

薤白氣溫味辛苦滑無毒。主金瘡瘡敗輕身不饑耐老。

薤白氣溫。稟夫春和之木氣入足厥陰肝經。味辛。



苦滑無毒得地西南金火之味而有潤澤之性入  
手太陰肺經手少陰心經氣味升多于降陽也金  
瘡氣虛則瘡口不合氣溫可以益氣所以主瘡敗  
也氣溫達肝肝氣條暢則氣血日生所以輕身溫  
煖脾土土健所以不饑味辛潤血血華所以耐老  
也

制方

雄白同瓜萋白酒治胸痹心背痛 同瓜萋白酒

半夏治胸痹不臥心痛徹背 同枳實桂枝厚朴  
瓜蒌治胸痹胸滿脇下逆捨心

白芥子氣溫味辛無毒發汗主胸膈痰冷上氣面目  
黃赤醋研敷射工毒

芥子氣溫稟天春升之木氣入足厥陰肝經味辛  
無毒得地西方之金味入手太陰肺經氣味俱升  
陽也味辛入肺肺合皮毛辛溫發散所以發汗胸  
者肺之分也膈者肝之分也白芥子辛溫疎散所

以入肝肺之分而消痰谷也。肺主氣氣溫則下行。所以至上氣也。面目黃赤肝乘脾也。氣溫達肝。肝不乘脾黃赤自退也。醋研王射工毒亦辛溫條達之功効也。

制方

白芥子同白朮棗肉丸治胸膈痰飲 同甘遂大戟蠅尾巴霜辰砂丸名控涎丹治痰迷心竅

禽獸部

五靈脂氣溫味甘無毒主療心腹冷氣小兒五疳辟疫治腸風通利氣脈女子月閉研酒

五靈脂氣溫稟天春和之木氣入足厥陰肝經味甘無毒得地中正之土味入足太陰脾經氣味俱升陽也心腹者太陰厥陰經行之地也寒則冷氣凝矣其主之者氣溫可以祛寒也氣溫可以暢肝味甘可以益脾小兒疳難有五皆由肝氣滯脾氣虛而成所以概主五疳也味甘能和所以辟疫久

風人中乃爲腸風氣溫達肝肝主風而藏血故治  
腸風溫則通行故利氣脈脾統血肝藏血血溫則  
行故主月閉也

制方

五靈脂同洋蘭牛膝益母延胡丹皮紅花赤芍山  
查生地治惡露未盡 同降香紅麴通草紅花延  
胡韭菜童便治胃脘瘀血痛 同木香烏藥治血  
氣刺痛 專用生熟各半爲末治革不知人事

龍骨氣平味甘無毒。主心腹鬼疰。精物老魅。欬逆洩痢。膿血。女子漏下。癥瘕堅結。小兒熱氣驚癇。煨

龍骨氣平稟天秋收之金氣。入手太陰肺經味甘無毒。得地中正之土味。入足太陰脾經。龍爲東方之神。鱗蟲之長。神靈之骨。入足厥陰肝經。氣味降多于升。陰也。心腹太陰經行之地也。太陰脾氣上升則肺氣下降。位一身之天地。而一切鬼疰精魅不能犯之矣。龍骨氣平益肺。肺平則下降。味甘益

脾胃和則上升升降如而天地位焉所以祛鬼疰  
精物老魅也欬逆者肝火炎上而乘肺也洩痢膿  
血清氣下陷也女子漏下肝血不藏也龍骨味甘  
可以緩肝火氣溫可以達清氣甘平可以藏肝血  
也脾統血癥瘕堅結脾血不運而凝結也氣溫能  
行可以散結也小兒熱氣驚癇心火盛舍肝而驚  
癇也驚者平之龍骨氣平所以可平驚也

制方

龍骨同牡蠣白芍甘草桂枝生薑大棗治夢遺

同遠志硃砂丸治勞心夢遺 同韭子治洩精

同白石脂治洩瀉 同牛黃犀角鈎藤丹砂生地

茯神琥珀金箔天竹黃竹瀝治大人癩症小兒驚

癩

鹿茸氣溫味甘無毒主漏下惡血寒熱驚癩益氣強  
志生齒不老

鹿茸氣溫稟天春升之木氣入足厥陰肝經味甘



無毒得地中正之土味入足太陰脾經氣味俱升  
陽也肝藏血脾統血肝血不藏則脾血不統漏下  
惡血矣鹿茸氣溫可以達肝味甘可以扶脾所以  
主之也寒熱驚癇者驚癇而發寒熱也蓋肝爲將  
軍之官肝血虛則肝氣亢挾濁火上逆或驚或癇  
矣鹿茸味甘可以養血氣溫可以導火所以止驚  
癇之寒熱也益氣者氣溫則益陽氣味甘則益陰  
氣也甘溫有益陰陽之氣氣得剛大而志强矣鹿

其骨屬也。齒者骨之餘也。甘溫之味主生長所以生齒。真氣充足氣血滋盛所以不老也。

制方

鹿茸同牛膝杜仲地黃山萸補骨巴戟山藥菴蓉  
兔絲治腰痛陰痿 同白膠陽起石菴蓉棗仁栢  
仁黃耆熟地丹砂丸名斑龍丸治諸虛 專用浸  
酒治陽事虛痿 同兔絲小茴羊腎丸治腰痛不  
能轉側。

白膠氣平味甘無毒。主傷中勞絕腰痛羸瘦補中益氣。婦人血閉無子止痛安胎。久服輕身延年。

白膠氣平。稟天秋收之金氣。入手太陰肺經。味甘無毒。得地中正之土味。入足太陰脾經。氣味降多。于升質。滋味厚陰也。中者脾土也。傷中勞絕者脾虛之人。而作勞以傷真氣。脾爲陰氣之源。源枯而陰絕也。其主之者味甘益脾陰也。腰痛羸瘦者脾爲陰氣之源。而針合人身之肌肉脾陰虛則腎陰

亦虛故腰痛而肌肉瘦削也。其主之者味甘可以補脾氣平可以益肺滋腎也。補中者補脾中氣也。益氣者肺主氣氣平可益肺也。脾統血女人血閉無子脾血不統也。味甘益脾陰所以主之脾血少則燥而痛矣味甘養血所以止痛血足則胎安故又安胎也。久服輕身延年者白膠氣平益肺肺主氣氣足則身輕味甘益脾脾統血血足則穀納而延年也。

制方

白膠同牛膝丹皮麥冬生地白芍歸身鬱金續斷  
小便治勞傷吐血 同山萸杞子鹿茸生地麥冬  
杜仲補骨山藥車前五味巴戟蓮鬚歸身紫石英  
治女人血閉無子

阿膠氣平味甘無毒主心腹內崩勞極酒洒如瘡狀  
腰腹痛四肢酸疼女子下血安胎久服輕身益氣

阿膠氣平稟天秋收之金氣入手太陰肺經味甘

無毒得地中正之土味入足太陰脾經氣味降多  
于升色黑質潤陰也心腹者太陰經行之地也內  
崩勞極者脾血不統內崩而勞極也陰者中之守  
陰虛則內氣餒而洒洒惡寒如瘧狀也其主之者  
味甘可以益脾陰也腰腹皆藏陰之處陰虛則空  
痛阿膠色黑益陰所以止痛四肢脾主之酸疼者  
血不養筋也味甘益脾脾血統四肢之疼自止女  
子下血脾血不統也味甘以統脾血血自止也安

胎者亦養血之功也。久服輕身益氣者，氣平益肺，肺主氣，氣充則身輕也。

制方

阿膠同杜仲杞子白芍山藥生地人參黃耆續斷  
治崩中漏下。同白芍炙草麥冬生地白膠歸身  
杞子杜仲續斷治婦人胎漏下血。同川連黃芩  
白芍雞子黃名黃連阿膠湯治少陰病心煩不臥  
同蒲黃生地治吐血衄血。同黃連白茯苓治

下痢毒注

麝羊角氣寒味鹹無毒主明目益氣起陰去惡血注  
下辟蠱毒惡鬼不祥常不魘寐。

麝羊角氣寒稟大冬寒之水氣入足少陰腎經味  
鹹無毒得地北方之水味入足太陽寒水膀胱經  
氣味俱降陰也膀胱經起于目內眦氣寒可以清  
火火清則水足而目明矣益氣者鹹寒益腎氣之  
不足也起陰者鹹寒益腎腎足則宗筋強也味鹹



則破血氣寒則清熱故主惡血注下也。蠱毒濕熱之毒也。鹹寒可清濕熱所以主之。麋羊性靈通神故辟惡鬼不祥。鹹寒益腎腎水足則精明所以常不魘寐也。

制方

麋羊角同犀角丹砂牛黃琥珀天竺黃金箔茯神  
遠志竹瀝鈎藤治癲狂。同杞子甘菊穀精生地  
五味女貞子黃栢治肝熱目昏。

犀角氣寒味苦酸鹹無毒主百毒蟲疰邪鬼癩氣殺  
鉤吻鳩羽蛇毒除邪不迷惑歷寐久服輕身

犀角氣寒。聚天冬寒之水氣。入足少陰腎經。味苦  
酸鹹。無毒。得地。東南北木火。水之味。入手少陰心  
經。手厥陰風木。心包絡經。手太陽寒水。小腸經。氣  
味俱降。陰也。百毒之性皆熱。蟲疰亦濕熱而成。其  
主之者。苦寒可以清熱散毒也。氣寒壯腎水。味苦  
清心火。火降水升。心腎相交。一身之天地位矣。所

以能除邪殺鬼不迷或魘寐也氣寒味苦行天地  
肅殺之令所以辟瘴解鉤吻鴆羽蛇毒也久服輕  
身者心腎交則陰陽和心神清則百脈理所以身  
輕也

制方

犀角同丹砂琥珀金箔天竺黃牛黃鈎藤麝犀角  
珠璣治風熱驚癇 同生地紅花麥冬紫草白芍  
牛蒡治血熱痘病 同鬱金小便生地麥冬甘草

白芍治吐血衄血

虎骨氣微熱味辛無毒主邪惡氣殺鬼疰毒止驚悸  
治惡瘡鼠痿頭骨尤良

酥炙

虎骨氣微熱稟天初夏之火氣入足少陽相火膽  
手少陽相火三焦經西方之神味辛無毒得地面  
方之全味入手太陰肺經氣味俱升陽也其除  
惡氣者味辛入肺肺主氣氣肅則一切邪惡皆除  
也鬼疰之毒陰惡之毒也虎骨氣味辛熱入三焦

而通達所以殺鬼魅也膽虛則驚悸辛熱溫膽故  
止驚悸惡瘧風毒之瘧虎爲西方金獸虎嘯風生  
金能制木也黑毒屬木所以壬之鼠癩少陽膽與  
三焦之毒所以壬之者亦以味辛制風木之毒也  
頭骨氣厚所以尤良也

制方

虎骨同牛膝木瓜生地山藥山萸黃柏梔子麥冬  
五味治痿痺不能步履 同煎解獨活防已茅朮

牛膝何首烏苒仁木瓜治偏痹不仁 同歸身白  
芍炙草續斷牛膝白膠生地麥冬治白虎痛風  
同龍骨遠志末名預知散治驚悸久服令人聰慧  
同麩子角白芍浸酒治臂痛

蟲魚部

石蜜氣平味甘無毒主心腹邪氣諸驚癇瘕安五藏  
諸不足益氣補中止痛解毒除衆病和百藥久服強  
志輕身不饑不老延年神仙火煉

石蜜氣平稟天秋收之金氣入手太陰肺經味甘  
無毒得地中正之土味入足太陰脾經氣味甘多  
于降陽也心腹太陰經行之地也氣味甘平故主  
邪氣諸驚癇瘧肝熱而氣逆也驚者平之癇瘧者  
緩之甘平之味乎之緩之也甘爲土化土乃萬物  
之母五藏諸不足補之以甘也真氣者得于天充  
乎穀甘味益脾脾和則穀納所以益氣補中也蜜  
乃採百花釀成而得至甘之正味所以止痛解毒

除衆病和百藥也久服氣平益肺肺主氣味甘益  
脾脾統血血氣和調所養剛大所以強志輕身不  
饑不老延年神仙也

制方

蜜同蘆根汁梨汁人乳牛乳童便竹瀝治膈噎  
煉熟和諸丸藥膏子塗火灼捲煉鞭加皂角末  
作挺納便道中治大便硬結

烏賊魚骨氣微溫味鹹無毒主女子赤白漏下經汁



血閉陰蝕腫痛寒熱癥瘕無子 煨

烏賊魚骨氣微溫稟天春和之木氣入足厥陰肝  
經味鹹無毒得地北方之水味入足少陰腎經氣  
味升多于降陽也女子以血爲主肝爲藏血之藏  
肝血不藏則赤白漏下其主之者氣溫以達之也  
肝藏血血枯則血閉其主之者味鹹以通之也腎  
爲藏精之藏主陰戶隱曲之地肝爲厥陰其經絡  
陰器其筋結陰器二經濕濁下注則陰蝕腫痛其

子之者氣溫可以燥濕味鹹可以消腫也寒熱瘡  
瘻者癥瘕而發寒熱也烏賊骨鹹可更堅溫可散  
寒熱也男子腎虛則精竭無子女子肝傷則血枯  
無子鹹溫入肝腎通血益精令人有子也

制方

烏賊魚骨同蘆茹雀卵丸治肝傷血枯 同橘紅  
末寒食麩丸治骨體 同蒲黃末治舌腫出血不  
止 同北味杞子淫羊藿歸身丸久服令人多子

龜甲氣平味鹹無毒主心腹癥瘕堅積寒熱去痞疾  
息肉陰蝕痔核惡肉

醋炙

龜甲氣平稟天秋收之金氣入手太陰肺經味鹹  
無毒得地北方之水味入足少陰腎經氣味俱降  
陰也心腹者厥陰肝經經行之地也積而有形可  
徵謂之癥假物而成者謂之瘕堅硬之積致發寒  
熱厥陰肝氣凝聚十分亢矣龜甲氣平入肺肺平  
可以制肝味鹹可以奠堅所以主之也痞者肝氣

滯也。鹹平能制肝而稟堅，故亦主之。息內陰，何病惡肉。一生于鼻，鼻者肺之竅也。一生于二便，二便腎之竅也。入肺腎而稟堅，所以消一切惡肉也。

制方

龜甲同牛膝當歸陳皮首烏知母麥冬治久瘡。  
同知母石膏麥冬貝母竹葉治溫瘡。同青蒿麥冬五味生地杞子牛膝治骨蒸勞。

龜甲氣平味甘有毒。主漏下赤白，破癥瘕，瘰癧，五痔。

陰蝕濕痺四肢重弱小兒顛不合久服輕身不饑

龜甲氣平稟天秋收之金氣入手太陰肺味甘得  
地中正之土味入足太陰脾北方之神介蟲之長  
性復有毒稟陰寒之性入足少陰腎經氣味降多  
于升陰也脾統血脾血不統則漏下赤白其主之  
者味甘益脾也瘧而至于有癥瘕濕熱之邪已痼  
結陰分矣龜甲陰寒可以清熱氣平可以利濕所  
以至之也火結大腸則生五痔濕濁下注則患陰

蝕脾合大腸腎主陰正性寒可去熱氣平可治  
所以主之也脾主四肢濕勝則重弱龜甲味甘參  
脾氣平去濕濕行四肢健也腎主骨小兒腎虛則  
頰骨不合其主之者補腎陰也久服益腎腎者胃  
之關關門利能去脾濕所以身輕不饑也

補方

龜甲同熟地黃槩知母豬脊髓丸名補陰丸治陰  
虛相火熾 同髮川芎歸身治難產及短小女子

本草經解要卷四

龜甲牡蠣

四三

交骨不開

牡蠣氣平微寒味鹹無毒主傷寒寒熱溫瘧洒洒驚  
恚怒氣除拘緩鼠瘦女子帶下赤白久服強骨節殺

邪鬼延年

盛泥  
固煨

牡蠣氣平微寒稟天秋冬金水之氣入手太陰肺

經足太陽寒水膀胱經味鹹無毒得地北方之水

味入足少陰腎經氣味俱降陰也冬不藏精水枯

火旺至春木火交熾發爲傷寒熱病病在太陽寒

水所以寒熱其主之者鹹寒之味入太陽壯水清  
火也夏傷於暑但熱不寒名爲溫瘧溫瘧陰虛陰  
者中之守守虛所以洒洒然也其主之者鹹寒可  
以消暑熱氣平入肺肺平足以制瘧邪也肝虛則  
驚肝實則恚怒驚者平之恚怒降之氣平則降蓋  
金能制木也味鹹足以稟堅平寒可除拘緩故主  
鼠瘻濕熱下注于腎女子則病帶下氣平而寒可  
清濕熱所以主之久服強骨節鹹平益肺腎之功



也設邪鬼氣寒清肅熱邪之力也能延年者固滋  
補氣之全功也

制方

牡蠣同龍骨桂枝白芍甘草薑棗治夢洩 同黃  
耆麻黃根治盜汗 同元參甘草丸治瘰癧 煨  
研米醋搜成團再煨研以米醋調艾末熬膏丸醋  
湯下治月水不止

入部

人乳氣平味甘鹹無毒主補五藏令人肥白悅澤  
人乳氣平稟天秋金之平氣入手太陰肺經味甘  
鹹無毒得地中北土水之味入足太陰脾經足少  
陰腎經氣味降多于升陰也肺主一身之氣脾統  
一身之血腎藏一身之精人乳本血所化入脾肺  
腎三經補益精氣血所以五藏皆益而令人肥白  
悅澤也

制方

人乳同梨汁名接命丹治氣血衰弱 同牛膝杜  
仲補骨脂白茯苓乳當歸丸名太乙神應丸治虛  
損

小便氣寒味鹹無毒療寒熱頭痛溫氣童男者尤良  
小便氣寒稟天冬寒之水氣入足太陽寒水膀胱  
經味鹹無毒得地北方之水味入足少陰腎經氣  
味俱降陰也太陽膀胱經起于目內眥上額交巔  
行身之表而爲外藩者也感天燥火之溫氣入寒

水之經則寒熱頭痛矣小便鹹寒下降所以可瀉  
燥火之邪也童男者穢氣少故尤良也

制方

小便同白芍甘草丹皮白茯苓山萸北味治吐血不  
止 同人參附子肉桂治陰盛格陽 同豆豉治  
頭痛至極

紫河車氣溫味甘鹹無毒主血氣羸瘦婦人勞損面  
黧皮黑腹內諸病漸瘦瘁者以五味和之如髓餌法

與食之勿令知

紫河車氣溫稟天春生之木氣入足厥陰肝經味甘鹹無毒得地中北土水之味入足太陰脾經足少陰腎經氣味升多子降陽也脾者統血之藏腎者藏氣之經肝者生生之藏以生氣血之經甘鹹益脾腎氣溫暢肝氣所以主血氣羸瘦也婦人以血爲主勞傷五藏則損其真陰陰虛血枯血不華面面黧皮黑河車味厚益陰所以主之也腹者陰

也。腹內諸病，陰分虧也。除主質所以形漸瘦也。陰虛補之以味，所以用五味和之也。勿令病人知者，恐知之而惡其藥也。

制方

河車同人參黃耆鹿茸白膠齒歸補骨五味巴戟  
天治真陽虛損 同敗龜板黃柏杜仲牛膝生地  
砂仁白茯苓天冬麥冬人參五味丸名大造丸治男  
女虛勞骨蒸